

7. Jaqikama juchanchasiñaka chhaqtayañataki, Perú marka chuyma ukata jani jasq'arasa utjasíñataki

Sapa mayni jaqiru kunanakatixa wakiski ukhamaraki sapa mayni jaqina kunanakatixa lurañapäki, uka pachparaki taqi jaqiru jani imnaqasisa utjäwinakapa ukata jani ch'apaqasisa utjäwinakawa suma qhana ch'amanchasirakini.

Uka jach'a amtäwi phuqaña laykuxa Estado taypita:

(a) Khitinakatixa suma utjasiskiriri jaqi masinakaparu ch'apaqachañanaku, jani ukaxa jaqi masinakapana yänakapa lunthatisañanaku wayusirinakatakixa ukhama jani aski yanqhachasiñanaka armanukuyañatakixa arusthapisirakiniwa walja kamachinaka, ukhamata uka jani wali jaqinaku jark'añataki, unanchayañataki, wayxatañataki ukhamarusa chhaqtayañataki.

(ch) Perú markana utjasirinaku suma markata munasiña chuymani ukata kamachinaku wayusisa jakañanaka ch'amanchasirakini, ukhamata jani nuwasisa, kunatixa sapa jaqiru wakiski ukata kuntixi sapa maynixa lurañapäki ukanaka phuqasa jakañanaka sartayañataki. (h) Uka jaqikama nuwasisa chhuxrichasiwinaka armanukuñatakixa chiqpachansa suma chiqapa kamachinakawa uñstayasiskarakini, ukhamata uta taypinsa janiwa khitisa nuwata jisk'achataxa uñjasxaniti, ukhamarakiwa wawanakasa, chuymani achachila awichanakasa ukata warminakasa janiwa jachayatäxapxarakiniti.

(i) Estado taypita kawkhantixa ukhama jisk'achasiña nuwasiñanakaxa utjkani ukawjanakaruwa ukhama jani wali jakäwinaka acht'ayiri sarasini.

(k) Jani ch'axwasa jakäwinakawa yatiña utanaka taypita ch'amanchasirakini, ukhamata taqi jaqisa suma munasiña chuymampi uñjataniwa, ukampinsa kuna jucha jakäwinakasa

sumthapiyasisa suma chiqaparu arjatarakiniwa.

(l) Markachirinakana suma jani khiti ch'apaqachirinakani utjasiñanakapatakixa wali uka tuqinakata irnaqaña yatsuta machäwinakawa Estado taypita sayt'ayasini. (ll) Policía Nacional taypina irnaqiri wiraxuchanakasa wali ch'amanchataniwa, ukhamaraki suma yatiñanakana yatxatapxarakini, ukampinsa taqi chiqaru khuskhachataniwa.

(m) Perú markana markachirinaka suma utjasiñanakapatakixa taqi chiqana distrito ukata provincia taypinakana marka utanaka musirinakasa utjarakini, ukasti Alcalde jiliri p'iqiñana p'iqt'ata markachirinakana yanapt'apampiwa suma sarantayasirakini.